

Karoli Magni regis et imperatoris¹ in ipsa ecclesia suo nomine dedicata miraculo est divine virtutis inventus quatuor circiter á terra digitis in aere pendere suspensus. Huius quoque reverentissimi sacerdotis duo sancti discipuli et filii spiritales, Donatianus ei scilicet in diaconatus, Domitianus in subdiaconatus officio ministrantes, tanquam á dextris et á sinistris arma iusticie ad faciendam vindictam in nationibus, increpationes in ydolis, cum eo venerunt. Quem Domitianum, subdiaconum videlicet suum, dilectus Deo pontifex in ipso pie peregrinationis itinere redemptum á supremo nature debito precibus preciosis et precio meritorum de morte revocavit ad vitam; quique ambo post gloriosi patris excessum unus post alium ecclesie Cathalaunice cathedram virtutum studiis et Deo dignis operibus ornaverunt. Tribus his sanctis ac Deo dilectis patribus, postquam prima fidei fundamenta iecerunt, ad domum Dei super edificandam et cultum religionis ampliandum veri dignitatis eorum et sanctitatis heredes tres alii successerunt. In istis primus et quintus ab illis sacer et reverendus enituit antistes Alpinus apud villam Cathalaunici territorii, que Baga dicitur, preclaris natalibus oriundus. Hic tempore Wandalice persecutionis², quo divini iudicii iusta severitas tradidit in captivitatem virtutem Gallorum et in manus inimici pulcritudinem imperii Romanorum, quamvis ob salutem populi sit á Domino reservatus, quia tamen paratus fuit animam suam ponere³ pro ovibus suis, non est martirii dignitate privatus, quia sicut eum Dominus populo suo, sic ipse Domino populum suum á barbarice conservavit incursu feritatis illesum. Floruit autem temporibus Theodosii iunioris, qui filius Archadii post patrum suum Honorium imperium gubernavit, et ammonitus divine revelationis instinctu ad defensionem Galliarum, quas tunc temporis barbarice crudelitatis procella vexabat, beatissimi prothomartyris Stephani brachium ecclesie Bisonticensi direxit. De quo tunc etiam per omnipotentem clemencie superne virtutem sanguis purissimus emanavit, qui cum multis aliis ecclesiis beato prothomartyri consecratis nostram quoque Cathalaunicam ecclesiam purpuravit.

Post hunc autem beatissimum virum de cursu vite temporalis ad gaudia permansura translatum, venerabiles fratres et sanctissimos patres ex Aquitanie provincia et Lemovica civitate nonum ab eodem Elaphium et decimum Lendomirum ad regimen ecclesie Cathalaunensium superne dispositionis ascivit instinctu rex inclitus superioris Francie Sigebertus, filius Clotharii, filii Clodovei, qui primus regum Fran-

1) Vielmehr 868, worauf Almann von Hautvilliers sein Leben beschrieb.

2) Vielmehr der Hunnen, 451.

3) Hier schliessen sich Blatt 98 und 99 an.